

Zcu erinnern. Hot sie dieselbige beyde Artickell, Ires genedigen gefallnns, In eynen anstandt, biß sie widderumbe geluglich anheym queme, gesetzet. Mit angehoffter vertroftung, vns als dan, auff vnser anregen, aller gebuer, vnde genad Zcu bescheiden. Das auch die vnsern vnbeswerlich awffgenommen. Deme noch Ist an Ewer fln. gn. vnser fleissigk vnd denstlich Bitt. wolle vormug seyner furstlichn togundt, der vnßern schaden, Zo Inen vnvorschult vbergangen, genediglich behertzigen. Vn bey obgedochten Amptmanne, die Sach dermoßen weysen lossen, Domit der vnßer seyne Ochßen ader erstatunge derselben vberkommen, Vnde sich Ewer fln. gnod. milder guthe belobn muchte. Vns och von wegen, der obgedochten Grentzen vnd waes derwegen Zcuthuende, ader Ewer fln. genod. bedencken sein moge, aufs yrste In genad zuvorstendigen geruchen wolte. Das alles, vorhofflichn genedigen Andtworts erwaerten. Vnd vmbe Ewer fle. genode. (Die wyr Gothe ßeliglich vn lange geßunt entphelen.) angenehmen fleyßes vordienen wollen. Vnde Gegeben Zcu Dantzke mitwoch am XV. Junii Anno XXX Ewer Furstlichn Gnoⁿ

Boreitwillige vnd vnvordrossene
Burgermeister vn Raetman
der Stadt Dantzke.

A.-V. Die von Dantzick etzlicher ochsen halber, ßo iren burger genommen. 2. Augusti Ano d. 1530.

III. (24.)

Jacob Kampe schreibt an den König Christian III von Daenemark wegen einer Wasserkunst, die Jacob Ditterich aus Danzig auf dem Schlosse zu Kopenhagen anlegen soll.

1543. Den ersten Mittwoch der Fasten. 14. Februar. Danzig.

Ad. Eyne kopie vt II Brefen ludende an kon. Maj. In Dennemarcken forth¹⁾ an furstlicke genade In prusen minen genedigen hern.

Aller Durchluchtigiste grothmechtige Konnick genedige herre Iwer kon. Maj. gesuntheyt vnd gluckselige wolffarth hore Ick alletidt gern als vom mynen genedigen hern.

Alßo Do Ick Iwer kon. Maj. Densthbarlick tho wethenn Dath Ick Iwer kon. Maj. Breff hir Entfange hebbe De geschrefe is tho kopenhagen am afende Sunthe²⁾ Thomas neygsth vorgangenn Dar Ick Iwer kon. Maj. vor alle gode vnd gunsth Dancke vnd wo my Denne Iwe kon. Maj.

1) = geführt.

2) = Vigilia S. Thomae = 20 Decemb. Vgl. 27,1.